

30 июля. Святого Иоанна, воина и чудотворца.



Служба на пámать стáгw іwáнна,
вóнна њ чѹдотвóрца.

Сборникъ для мужского хора

Редакція и составление Г.Смирнова
Храмъ Воздвиженна Честнаго Креста въ Ялтѹфьево.

НА ВЕЛИЦЕЙ ВЕЧЕРНИ

Блажён муж: 1-й антифён.

НА ГОСПОДИ, ВОЗЗВАХ: СТИХИРЫ НА 8, ГЛАС 2.

Подобен: Егда от Древа:

Егда тленному царю во́инствуя на земли,/ верен Богу
Иоанне, воин был еси́,/ тогда́ Небёснаго Царя Христа
по́мощь при́йм,/ мучеником Христовым помога́я,/ побе-
жда́л еси враги видимыя и невидимыя:/ и ныне со Ан-
гельскими силами и воинствы в Вышних лику́еши./
Тёмже блажённе страстно́сче, // Спасителю всех за ны
молися, спасти души наша́.

Земно́е воинство оста́вити восхотёв,/ Небёсному Царю
Христу потщался еси́ угодíti:/ véрою бо в Него воору-
жívся,/ сýлою Честнаго Крестá Егó/ во́ин крепок, Ио-
анне, обрёлся еси́,/ от мучíteлей злочестивых мученики
Христовы сохраня́я // моли́твами твоими к Богу, бла-
жённе.

Егда véрою во Христа Бога и моли́твою/ преподобных
жребий получитьи возжелáл еси́,/ тогда́ веры ради Хри-
стовы мучащимся спосо́бствовал еси́./ Сего ради даро-
вании чудес обогати тя Христо́с Господь:/ в разли́чных
бо скорбех призывáющим тя/ помощник скор обре-
та́ешися./ Тёмже молися Бо́гу о нас // творящих всечест-
ную па́мять твою́.

Ины стихи́ры, глас то́йже.

Подобен: Кíими похва́льными:

Приидíte, святолю́бцы,/ всí духовно возвеселимся и
торжеству́им,/ сла́вяще Христа и Бога на́шего,/ я́ко пре-
богатую трапезу днесь на́м предложí,/ па́мьть сла́внаго
мученика и добляго воина Иоáнна,/ помощника всем в

скóрбех,/ и злых дёл обличителя,/ и погублений тайных
явителя,// просящим его по́мощи.

Богодаровáнную благодать Иоанна восхвалим песно-
пéнии,/ благочестия поборника, храброго во́ина,/ из-
ящнаго чудотворца, помощника обидимым,/ благо-
верным предстателя, и врача безмезднаго,/ в во́инстве
ратоборца, и от напрасных смертей хранителя,/ и путей
благих извѣстника:// молится бо Богу вся люди благо-
дѣйствовати́.

Преблаженне добропобедный Иоáнне,/ во́ине крепкий
Всетворца нашего Бóга,/ ты́ душе́вное твое благородие
Богоизбранне соблюл еси:/ презрѣв суету и прелести
мíра,/ человеколю́бне сущим в мучениих спострада́л
еси./ И ны́не в Небесех со Христом сладце водво-
ря́ешися:/ отню́дуже назирай и сохраняй в ратоборстве
и во всяких злоключѣниях// вся призыва́ющия тя́.

Чтó тебе принесем, Творче Бóже?/ кóе воздадим благо-
дарѣние?/ я́ко даровал еси людям Твоим истинную бла-
годать, святаго Иоáнна,/ во́ина благочестива, милости
творителя,/ на брáнех воином способника,/ всяких пе-
чалей утѣшителя,/ и моли́твенника Тебе во спасение на-
ше тѣплаго.// Тѣмже ради милости Твоея спаси ны, Вла-
дыко Человеколю́бче.

Сла́ва, глас 6:

За Христа усердно, Иоáнне,/ подвизався с мученики
Христовыми,/ в вере благочестивей христианом помо-
ществу́я,/ я́ко воин изряден твоему Владыце бы́л еси./
Требующим подавая пита́ние,/ и милостыню изобильно
нищим уготовля́я,/ небре́гл еси повеления Иулиана за-
конопресту́пнаго царя:/ разруша́я же мучительныя его
сосу́ды,/ изящен добропобедник в Православии яви́лся

4

еси./ Тѣмже прешел еси в Небесныя крѡвы,/ и тамо Христа Иисуса всерадостно зриши,/ Иже нетленным увязе тѣ венцѣм:/ Егоже, всеблаженне, непрестанно моли,// вечнаго блаженства сподобитися достойно чѣствующим тѣ.

И ныне, Богородичен:

Кто Тебе не ублажит, Пресвятая Дѣво;/ кто ли не воспоет Твоего Пречистаго Рождества;/ безлетно бо от Отца Возсиявый Сын Единородный,/ Тойже от Тебе, Чистыя, прѡйде,/ неизреченно воплощся:/ естеством Бѡг сый,/ и естеством быв Человек нас ради,/ не во двою лицу разделяемый,/ но во двою естеству неслитно познаваемый./ Того моли, Чистая, Всеблаженная,// помилватися душам нашим.

Вход. Прокімен дне. И чтѣнія 3 мученическая (зри день 24-й).

НА ЛИТИИ СТИХИРЫ, ГЛАС 8:

Мучениче Христов прехвальне Иоанне,/ гонителя беззаконнаго царя стремления/ и нуждную смерть ни во чтоже вменил еси,/ благодарзостно и мужемудренно ополчився к борением./ Тѣмже победоносною славою венчався,/ причелся еси всем праведным,// с нимиже тѣ хваляще ублажаем.

Мучениче Христов, преблаженне Иоанне,/ видя Христовы мученики, на заклание ведомы,/ друголюбно онем помогал еси./ Страдати бо до крове и смерти тѣя поучая, глагола еси:/ ничтоже есть zde наше страдание/ противу будущаго в Небесех воздаяния./ Таже и сам спострадати тем/ любве ради Творца твоего подвиглся еси,/ сего ради, от Христа Бѡга чудес дарование приѣм,/

в различных напáстех страждущим помога́еши/ и изыма́еши от лю́тых бед сла́влящия Го́спода/ и чествую́щия любóвию священна́я тво́я страда́ния.

Мучениче Господень, непобедимый Иоáнне,/ благода́ти нося́ имя,/ благода́ть и ми́лость подава́еши ве́рно моли́твами тя призыва́ющим/ и приво́диши в ра́дость лю́ди богому́дрыя,/ ве́рно в по́мощь напáстей сво́их зову́щия тя/ и чествую́щия священнора́достную па́мять твою́,/ те́мже моли́ся Христу́ Иису́су,/ да спасе́т ны от всех бед, я́ко Всеси́лен.

Сла́ва, глас 4:

Кто не удиви́тся, или́ кто не просла́вит,/ или́ не воспоёт верному́драго и сла́внаго Христо́ва во́ина Иоáнна чуде́са?/ я́ко и по честне́м сво́ем преставле́нии/ всем подаёт, притека́ющим усер́дно к нему́, премно́гая врачевства́:/ и́бо честны́я и святы́я его́ мо́щи/ источа́ют благода́ть изобильну́ в полёзная проше́ния./ Те́мже благоче́стно вопие́м ему́:/ моли́ непреста́нно Го́спода,/ да спасе́т вся правосла́вныя лю́ди,/ ве́рою во святы́й твой храм притека́ющия/ и прося́щия те́плага к Бо́гу заступле́ния,/ тебе́ бо усер́дна ходата́я к Нему́́ и́мамы/ и моли́твенника о душа́х на́ших.

И ны́не, Богоро́дичен:

Призри на моления́ Твоих раб, Всенепоро́чная,/ утоляю́щи лю́тая на ны воста́ния,/ всякия скорби нас изменя́ющия./ Тя бо, Едину, твердое и известное утвержде́ние и́мамы,/ и Твое предста́тельство стяжа́хом./ Да не постыдимся, Владычице, Тя призыва́ющии,/ потщися на умоле́ние Тебе́ верно вопию́щих:/ радуйся, Владычице, всех помо́ще, радости и покрове, // и спасе́ние ду́ш на́ших.

На Стиховне, глас 4.

Подобен "Яко добля в мученицех"

Напева Оптиной Пустыни

Излож. Г.Смирнова

① Из глубины воззвах к Тебе, Господи,

② Да будут уши Твои

Гос - по - ди, у - слы - ши глас мой. вне - млю - ще гла - су мо -
ле - ни - я мо - е - го. Мно - го - об - раз - ны - ми мучении лю - тый
му - чи - тель каз - нити предаде свято - е те - ло тво - е.
Ты же, Бо - го - мыс - лен - не И - о - ан - не, не от - верг - л - ся е -
си Хри - ста, ни ку - ми - ром по - жерл е - си,
но претерпел еси доб - лест - вен - не, о - жидая будущего воз - да -




я - ни - я, не-кончаемаго в Бозе на-слаж - де - ни - я.

3) Праведник, яко финикс, процветет,



я - ко кедр, иже в Лива-не, у-мно - жит - ся. Доб-ро-де - тель - ным



тво-им жи-ти-ем мир презрел еси, Иоанне чу-до-твор - че,



и, ве-ли-е ми-ло-сер - ди-е хри-сти-а - ном в чиноначальстве



твоего воинства со - тво-ря - я, в сво-бо - ду о - нех пу -



щал е-си. От-нюдуже и сам за Христа Бо - га в вере Право -



слав-ней по-стра-дав, при-ял еси наследие вечна-го бла-жен - ства.

8 0730 Иоанна Воина на Стиховне, глас 4. Подобен "Яко добля в мученицех". Напева Оптиной пустыни.

④ Насаждени в дому Господни,

во дво-рех Бо-га на - ше-го про-цве-тут. Ис-це-ле - ний да-ро -
ва-ни - е ис-то - ча - ют тво-я, слав-не, мо - щи
чест-ву-ю-щим тя у-серд - но, по-топ-ля-ю-ща стра - сти
иврачующа недуги, Ио - ан - не, иразоряют лукавых демо-
нов тол - пы, на - по - я - ют же вер - ных серд - ца,
и - же прозябают добродетелей пло - ды Бо - жест - вен - ны - я
и бла - го - чес - ти - я ра - зу - ме - ни - е.

НА СТИХОВНЕ СТИХИРЫ, ГЛАС 4.

Подобен: Яко добля в мученицех:

Многообразными мучении лютей мучитель / казнити предаде святое тело твоё. / Ты же, Богомысленне Иоанне, / не отверглся еси Христа, / ни кумиром пожел еси, / но претерпел еси доблественне, / ожидая будущаго воздаяния, // некончаемаго в Бозе наслаждения.

Стих: Праведник, яко финикс, процветет, / яко кедр, иже в Ливане, умножится.

Добродетельным твоим житием / мир презрел еси, Иоанне чудотворче, / и, велие милосердие христианом / в чиновачальстве твоего воинства сотворяя, / в свободу оных пушал еси. / Отнюдуже и сам за Христа Бога / в вере Православней пострадав, / приял еси наследие вечнаго блаженства.

Стих: Насаждени в дому Господни, / во дворех Бога нашего процветут.

Исцелений дарование источают / твоя, славне, мочи / чествующим тя усердно, / потопляюща страсти / и врачующа недуги, Иоанне, / и разоряют лукавых демонов толпы, / напоят же верных сердца, / иже прозябают добродетелей плоды Божественныя / и благочестия разумение.

Слава, глас 8:

Приидите, христолюбивии людие, / добрый подвиг и благодушное мужество / во благоверии сотворенное разумне созерцаим. / Новый бо венечник Иоанн, / великий молитвенник и мученик, / сице вопиет царю богомерзкому, законопреступному Иулиану: / злокозненными твоими словесы / в сладострастие суетнаго сего мира не можши мя прельстити, / ниже отлучиши любви Всетворца моего Бога, / аз бо на Него уповаю / и к Немю все мое желание простираю, / да Его Небеснаго Царствия буду наследник. / Темже, славяще Христа Царя, мученика хвалим / и усердно днесь в памяти его просим: / святе Иоанне, молися выну мир миру даровати // и душам нашим велию милость.

И ныне, Богородичен:

Владычице, прими молитвы раб Твоих// и избави нас от всякия нужды и печали.

Тропарь, глас 4:

Всеблагаго Бóга и Царя/ благовѣрный раб и воин явился еси, Иоанне чудодѣтелю:/ пострадав бо ради веры мѹжески,/ блаженно же скончав течѣние,/ зриши Всетворца Господа в Небесех светлѣйше./ От Негоже прием дарованіе чудес,/ страждущим человеком во всяких напастех помогаѣши:/ укрепляѣши воины в ратех:/ от врагов пленения, ран же и внезапных смертей/ и от бед лютых изымаѣши./ Темже моли Владыку Христа, приснопамятне,/ да во всяком обстоянии сотворит нам мѣлость,/ и не введет нас во искушенія,/ но спасѣт души наша,// яко Человеколюбец.

Ин тропарь мученика, глас 8:

Блаженство Евѣнгельское, Богомудре Иоанне,/ чистоту сѣрдца девством почтил еси./ Темже суету мѣра сего пренебрег,/ устремился еси зрети Бóга,/ Иже ты прослави чудесы во врачевании различне страждущих,/ сего ради молим тя, проси нам у Христа Господа всяких скорбей избавленія// и получѣнія Царства Небеснаго.

Слава, и ныне, Богородичен.

НА УТРЕНИ

На Бог Господь: тропарь святаго, дважды. Слава, и ныне, Богородичен во глас тропаря.

По 1-й стихологии седален, глас 1.

Подобен: Гроб Твой, Спасе:

Страсти честныхъ видев мучеников и тех целовав ѹзы,/ на высоту востѣкл еси свидѣтельства, пречѹдне,/ и желаніе все ко Христу возложив, страждущим помогаѣя и ѡлчущия питаѣя,/ всем мѣлостивый заступник был еси,/ дондеже в руке Господни душу твою предал еси, Иоанне многострадальне.

Слава, и ныне, Богородичен:

Надеждо христиѡн, Пресвятѡя Дѣво,/ Егѡже родила еси, Бóга, пѡче ума и слѡва,/ непрестанно моли с Вышними силами и со страстотѣрцем Иоанном/ дати оставленіе грехѡв нам всем и исправленіе житія,/ вѣрою и любѡвію присно Тя прославляющим.

По 2-й стихологии седален, глас 8.

Подобен: Премудрости:

Царю веков Безсмертному угождая, истуканным не пожерл еси, / царя же беззаконного всякия советы злокозненные отразил еси, славне, / Того ради жертву тебе самого принесл еси Пожершемуся Слову. / Тем и чудес источаеши струи, / в напастех страждущим милостивый предстателю и молитвенниче ко Христу Богу, / Иоанне великий, воине Царя Христа Бога нашего, / Егоже моли грехов оставление даровати / чествующим любовью святую память твою.

Слава, и ныне, Богородичен:

Солнца облаче разумнаго, / Божественнаго света светильниче златокованный, / Нескверная, Неблзная, Всенепорочная Владычице, / омраченную душу мою ослеплением страстей безстрастия зарею просвети, молюся, / и оскверненное мое сердце очисти потоки умиления, / покайния же слезами омий нечистоту дел моих, да любовью зову Ти: / Богородице Приснодево, моли Христа Бога прегрешений оставление подати ми, / Тебе бо имам надежду, раб Твой.

Величание:

Величаем тя, / страстотерпче святей Иоанне, / и чтим честная страдания твоя, / яже за Христа // претерпел еси.

Избранный псалом:

Бог нам прибежище и сила, помощник в скорбех, обретших ны зело. Сего ради не убоимся, вегда смущается земля, и прелагаются горы в сердца морския. Возшумеша и смятошася воды их, смятошася горы крепостию Его. Речная устремления веселят град Божий: оставил есть селение свое Вышний. Бог посреде его, и не подвижится: поможет ему Бог утро заутра. Смятошася языцы, уклонишася царствия: даде глас свой Вышний, подвижеся земля. Господь сил с нами, заступник наш Бог Иаковль. Приидите и видите дела Божия, яже положи чудеса на земли: Отъемля брани до конец земли, лук сокрушит и сломит оружие, и щиты сожжет огнем. Упразднитеся и уразумеите, яко Азь есмь Бог: вознесуся во языцех, вознесуся на земли. Господь сил с нами, заступник наш Бог Иаковль. Слава и ныне: Аллилуия, аллилуия, аллилуия, слава Тебе Боже. Трижды.

По полиелеи седален, глас 4.

Подобен: Удивися Иосиф:

Яко доблему страдальцу и воину крепкому Всецарюющего Христа, / взываем ти, Иоанне: / радуйся, мучеником украшенне и лепото; / радуйся, светлая Церкви звездó и стено́ и пристанище / притекающим к тебе, великомучениче славне, Иоанне воине. / Ты поющая спасай твоими молитвами от всякаго вреда чуждаго / и от лютых озлоблений избави.

Слава, и ныне, Богородичен: Яко к Царице, Небесныя силы превосходящей, / сущей Матери Христа Бога нашего, Державней Помощнице рода нашего, / припадающе, мы, грешнии раби Твой, умиленно вопием Тебе: / Владычице Дево Марие Богородице, / во все время жизни нашея присно

12

управляй ны в волю Господа Царя Небеснаго/ и сохраний от всяких напастей и недугов душевных и телесных,/ не вверяючи человека помощи, и помилуй ны, Всепетая.

Прокимен, глас 4: Праведник яко финикс процветет,/ яко кедр, иже в Ливане, умножится.

Стих: Насаждени в дому Господни, во дворех Бога нашего процветут.

По 50-м псалме,

Слава:/ молитвами страстотерпца Иоанна,/ Милостиве, очисти// множества согрешений наших.

И ныне:/ молитвами Богородицы:

Помилуй мя, Боже:

Стихира, глас 6:

Днесь созывает нас страстотерпца всемирное торжество:/ приидите, боголюбцы,/ светло празднуим память его, глаголюще:/ радуйся, великомучениче Иоанне,/ Царя Небеснаго воине непоборимый:/ ибо ты повеление безумное законопреступнаго царя Иулиана идолотителя/ преобидел еси мужески:/ радуйся, блаженне, страстотерпцем Христовым помощнике,/ яко тыя в гонении от злочестивых в вере Православней утверждал еси,/ и им любезно сострадал еси:/ сего ради Христос дарованьми чудес обогатил тя есть:// моли убо Всеблагаго Бога спасти души наша.

Канон Богородицы на 6 и святого на 8 два канона.

Канон святого, глас 2.

Песнь 1

Ирмос: Грядите, людие,/ поим песнь Христу Богу,/ раздельшему море и наставльшему люди,/ иже изведе из работы египетския,/ яко прославися.

Светлое празднество твое, святе Иоанне, радостно на духовную трапезу нас созывает,/ в нейже учреждаеши ны вся, к тебе притекающая, дарования,/ в пользу прошения нам исполняя.

Подвигом добрым подвизався на земли, преблаженне Иоанне,/ и от злаго мучителя мученики Христовы сохраняя,/ приял еси от Христа Бога Небесную жизнь,/ отнюдуже в скорбех нам подаждь помощь.

Воинством истинным, Богомудре, злочестиваго царя небрег мучительства/ и богатство нищим Христа ради расточив,/ приял еси дар чудес от Бога,/ лукавыя человеки обличая, благочестивым способствуеши.

Во́инство земно́е небре́гл еси́,/ иногда́ Христа́ ра́ди те́ло свое́ удруча́я постом и моли́твою,/ и враги́ посрами́л еси́./ Сего́ ра́ди и чудесы́ от Бо́га обогати́лся еси́.

Богоро́дичен: Воплоти́ся из Тебе́ боголе́пно Сло́во Безплотное/ премно́жеством человеколю́бия, Пречи́стая Де́во;/ Его́же, Влады́чице, моли́ ве́чное блаже́нство дарова́ти нам.

Други́й кано́н, глас 1. Песнь 1

Ирмо́с: Вознесу́ Тя, Бо́же, Спа́се мой,/ я́ко воскресе́л еси́ от ме́ртвых,/ попра́в смерть.

Иису́се, Спа́се наш,/ пода́ждь нам усер́дие благодарити́ Тя о всем/ и восхвали́ти уго́дника Твоего́, Иоа́нна.

Страстоте́рпче сла́вне Иоа́нне,/ богому́дым смы́слом вво́инился еси́ Всетворцу́ Бо́гу,/ победи́ у́бо вся враги́ на́ша.

Зре́ти досто́ивыйся Бо́га воплоще́на,/ всехва́льне во́ине, мо́лим тя:/ твои́ми мольба́ми изба́ви ны от всех бед.

Богоро́дичен: Богора́дованная, Сло́ва Предвече́наго Пала́то, Мари́е Де́во,/ милосе́рдием Твои́м серде́ца на́ша в ско́рбех увеселя́й о Бо́зе при́сно.

Песнь 3

Ирмо́с: На ка́мене мя ве́ры утверди́в,/ разшири́л еси́ уста́ моя́ на враги́ моя́,/ возвесели́ бо ся дух мой, внигда́ пе́ти:/ несть свят, я́коже Бог наш,/ и несть пра́веден, па́че Тебе́, Го́споди.

С му́ченики несумне́нну ве́ру стяжа́в, благоду́шне,/ и Христу́ Иису́су быв во́ин, добродете́льми обогати́лся еси́;/ те́мже соверша́ющим па́мь твою́ честну́ю благо́е просвеще́ние всегда́ да́руй.

Лука́внующим зле невиди́мый гони́тель, му́чениче Христов, явля́ешься/ и крадьбы́, в та́йне су́щия, открыва́еши,/ прия́л бо еси́ власть от Бо́га поле́зная ко спасе́нию всем содева́ти.

Якоже столп непоколе́блем, се́рдце твоё, всече́стне Иоа́нне, име́я,/ любо́вь му́чеником Христо́вым сотвори́л еси́, не боя́ся царева́ суровства́,/ те́мже в любви́ Госпо́дни утвержда́тися нам помози́.

Яко дерзнове́ние име́я к Бо́гу, Иоа́нне,/ во́ин ны́не Небе́сному Царю́ сый,/ проси́ нам грехо́в оста́вления, пра́зднующим па́мь твою́.

Богоро́дичен: Богоро́дице, Ма́ти Го́спода Иису́са,/ со все́ми святы́ми Того́ моли́ изба́вити ны от всех бед и скорбе́й,/ я́ко да посра́мятся вси, явля́ющие рабо́м Твои́м зла́я,/ хвали́ти же с Сы́ном Тя при́сно нас сподо́би.

Ин

Ирмо́с: Утвержде́й сло́вом Твои́м вселе́нную,/ я́же не подвиги́тся,/ утверди́ и на́шу мысль в страх Твой, Влады́ко Го́споди.

Тебе́, Творцу́ на́шему Бо́гу, во вся́ком обстоя́нии, припа́дающе, мо́лимся:/ му́ченика Твоего́ мольба́ми в во́ли и любви́ Твое́й утверди́ нас.

Тве́рдым умом стал еси́ на правоте́ богозна́ния, Богоблаже́нне Иоа́нне,/ те́мже утвержда́й ду́ши на́ша во Го́споде наде́жду во всем полага́ти.

По́хоть плоти́, по́хоть очес и го́рдость жития́ презре́в,/ утверди́лся еси́ в любви́ Иису́сове, му́чениче,/ нам в тойжде помо́шник бу́ди.

Богоро́дичен: Всеблаже́нная Влады́чице,/ утвержда́ющего вся Христа́ Го́спода поро́ждши,/ в про́мысле Его́ пребыва́ти укрепи́ ны всегда́.

Ин кондак, глас 3:

Вели́кая скóрбным лю́дем ра́дость в беда́х обрета́ешься,/ чудотво́рче Иоáнне,/ вся́кия бо стра́сти моля́щим тя врачу́еши,/ исполня́я их проше́ния./ Те́мже и ны́не моли́ Го́спода, // да спасе́т ны в ми́лости Своёй.

Седáлен, глас 8.

Подóбен: Премудрости:

Царю́ Небéсному и Творцу́ веко́в угожда́я при́сно,/ законопресту́пнаго Иули́ана мучи́теля вся злоковáрныя и богоме́рзкия сове́ты отрази́л еси́, сла́вне,/ и́долом безду́шным же́ртвы возбра́нив тво́рити,/ и та́ко в по́двизе ду́шу твою́ в ру́це Го́споду Бо́гу пре́дал еси́./ Егóже моли́, свя́те Иоáнне, прегреше́ний оставле́ние нам дарова́ти,/ честву́ющим святу́ю па́мять твою́.

Сла́ва: Мужеством ду́ши véрою воору́жився,/ глаго́л Бо́жий, я́ко копиé, взем, врага́ уязви́л еси́,/ мучеником похва́ла и удо́брение, вели́кий Иоáнне.

И ны́не, Богоро́дичен: О Тебе́ радуется, Благодáтная, вся́кая тварь,/ а́нгельский собо́р и чело́веческий род,/ освяще́нный хра́ме и раю́ словéсный,/ дéвственная похва́ло,/ из Нея́же Бог вопло́тися, и Младéнец бысть, пре́жде век Сый Бог наш:/ ложесна́ бо Тво́я престóл сотвори́/ и чре́во Твоё́ пространнее небéс соде́ла./ О Тебе́ радуется, Благодáтная, вся́кая тварь, сла́ва Тебе́.

Песнь 4

Ирмо́с: Прише́л еси́ от Дéвы не ходáтай, ни А́нгел,/ но Сам, Го́споди, вопло́щся,/ и спасл еси́ всего́ мя, чело́века./ Тем зо́вú Ти: сла́ва си́ле Твоёй, Го́споди.

Уподобился еси́ распéшемуся во́лею на Дре́ве Христу́ Бо́гу на́шему, всечестне,/ срáспенся Ему́ вся́ким воздержáнием,/ моли́твою же, и ми́лостынею, и мно́гими добродейáньми.

Се да́же до сме́рти, Иоáнне мучениче, смири́лся еси́:/ святы́я бо тво́я мо́щи на ме́сте в погребéнии страна́ных бы́ша сокровéны,/ сего́ ра́ди Госпо́дь по всей вселéнной тебе́ просла́ви.

Царя́ престу́пника Иули́ана во́инство тлéнное во власти содер́жав,/ от того́ по́слан был еси́ убивáти Христо́вы мученики./ Но ты, блаже́нне, ты́я храня́, в véре утвержда́л еси́, во е́же пéти:/ сла́ва си́ле Твоёй, Го́споди.

Небéснаго ра́ди радования и б́дущаго пра́ведным весе́лия/ земна́я вся оста́вил еси́ мудровáния,/ и, всячески добродетельми Бо́гу угожда́я,/ за ны моли́ся, Иоáнне всечестне.

Богоро́дичен: Недоуме́ние во спасéние предлежи́т ми, от обыше́дших мя зол, Пречи́стая./ Те́мже избáви мя от них ско́ро, благоразу́мие подаю́щи,/ к Тебе́ бо е́диной прибе́гох, Богома́ти.

Ин

Ирмо́с: Разуме́х, Всеси́льне,/ Твоё́ смотре́ние/ и со стра́хом просла́вих Тя, Спа́се.

Велие́ Твоё́, Го́споди, смотре́ние во всем ми́ре,/ ему́же усéрдно преда́емся,/ Тебе́ со святы́ми моля́щися.

По́двиг добр, мучениче, во страда́нии соверши́в,/ благоразу́мием во стра́се Го́спода просла́вити помози́ нам.

Братолю́бне в гонéнии лю́дем Бо́жиим помога́л еси́,/ страх отвéргий мучи́телей, Иоáнне:/ страх напáстей отвéржи от нас.

Богоро́дичен: Всеси́льнаго Царя́ Цари́ца и Ма́ти сподо́билася еси́ бы́ти;/ сподо́би ны сла́вити Егó к нам в ми́лости смотре́ние.

Песнь 5

Ирмос: Свѣта Подателю и веков Творче, Господи, / во свѣте Твоих повелений настави нас: / разве бо Тебѣ, иного бога не знаем.

Таин Божественных вкусив в разуме, Иоанне, / проповедь Божия рождения исповедал еси, глаголя пред всеми: / иного бога, разве Всетворца, не знаю.

Возлюбившаго Господа любите, – возглаголал еси, страстотерпче, страдающим мучеником, / в Егоже любви утвердився, обогатился еси чудесы, / врачуя болезни многия.

Славу мира сего ни во чтоже, Богомудре воине, вменил еси, / славы ради Христовы, / темже, страдальчество совершив и славы Божественныя сподобився, / нам получитьи оную молися.

Не убоясь законопреступнаго царя повеления, / вместо мук христианы заступаше, / и сокрывахуся твоим повелением, / и сего ради воин бысть ю силам.

Богородичен: Тя, Владычице, молим, славяще Твое о нас милосердие: / всяких ны скорбей, Марие, свободи / и помози утреневати нам к Богу и вечнаго блаженства сподобитися.

Ин

Ирмос: От нощи невѣдения просвещей концы, / просвети мя утром / человеколюбия Твоего, Господи.

Човеколюбче Владыко, просвещай ны в памяти молебней страдальца Твоего / утреневати к Тебѣ благоговением.

Просветился еси, мучениче Иоанне, благодарованными чудесы, / тем от злых человек, тщеты и болезни славыящия тя прменен.

Светоносным утром, побеждая вся душелительныя враги доблественно, / от скорбных тьмы страстей во свет радости привлечи ны.

Богородичен: Яже Бога во плоти нашей родила еси, Дево Пречистая, / светом Небесным осиятися нам Ему молися, / милость ко всем простирающи.

Песнь 6

Ирмос: В бездне греховней валяясь, / неизследную милосердия Твоего призываю бездну: / от тли, Боже, мя возведи.

Силою Божиею укрепився, мучеников славо, Иоанне, / прещений нечестивых небрегл еси; / ныне же зря радостне Бога, / от злых нас избави.

Молитвами и постом и в целомудрии / всяким воздержанием Богу угодил еси, всечестне; / свыше назирая, свободдай ны от скорби.

Просимая чествующим тя верно, блаженне, подаеши, / злыя человеки обличая, о кающихся же Богу моляся.

Мученическое дерзновение восприим, / потщался еси по вере Христове поборати, якоже добрый воин, / вооружив себя силою Креста Господня, / от Негоже даром чудес обогатися.

Богородичен: Уврачуи, Богородице, страсти душ и телес наших, / Врача Христа нам породши, / и вражие злоковарство посрами милосердием Твоим.

Ин

Ирмос: Со Иною вопиём Ти, Господи, / со гласом хваления молящеся: / возведи от тли живот наш.

16

Не престанем моли́ти Тя, Всеще́драго Го́спода,/ подви́жуще с на́ми ве́рнаго во́ина,/ изыма́я от грех, всели́ ны в Небе́сную жизнь.

Хва́лиши, свя́те Иоа́нне, в Вы́шних Бо́га, ве́рно zde служи́в Ему́,/ отню́ду же прибли́жися и нам, тя хва́лящим, во спасе́ние.

Стра́сти Христа́ ра́ди терпе́в, всехва́льне,/ всера́достное блаже́нство получи́л еси́,/ те́мже и на́ша мо́льбы приими́ и введи́ ны в ра́дость.

Ве́лию ве́ру стяжа́л еси́ ко Христу́ Бо́гу,/ вели́ки же и да́ры чуде́с Боже́ственных прия́л еси́ от Него́,/ и от де́йствия их прояви́лся еси́./ И ны́не творя́щих твоё пра́зднство и па́мять/ моли́ся Го́сподеву изба́вити от вся́кия ну́жды и печа́ли.

Богоро́дичен: Пречи́стая Де́во, от тле́ния пагубоно́снаго мир спа́сшая,/ от вся́каго зла́го обстоя́ния нас изба́ви.

Кондак, глас 6:

**Благочестиваго воина Христо́ва,/ победившаго враги душев-
ныя и телесныя Богому́дренно,/ Иоанна мученика досто-
должно песньми восхва́лим:/ чудодействуя бо подает обиль-
ная исцеления страждущим лю́дем,/ и молится Господу
Бо́гу// от всяких бед спасти́ правове́рныя.**

Икос:

Кто по́двиги тво́я и страда́ния ра́ди ве́ры в Го́спода Иису́са/ изрещи́ возмо́жет, прехва́льне Иоа́нне?/ Или́ кии́ми ты увенча́ем похвала́ми,/ ра́ди му́жественнаго твоего́ в зако́не Господни и во и́стиннем благоче́стии стоя́ния?/ Попра́л бо еси́ вся ко́зни душетли́теля врага́,/ целому́дрием и вся́кими добротворе́нии воору́жився;/ бога́тство и сла́ву и по́хоть вре́дную возненави́дев,/ нищету́ и поноше́ние Христо́во возлюбил еси́,/ стра́ждущим в ско́рбех помога́я./ Те́мже, всели́вся в Небе́сныя кро́вы, дарова́нии пресла́вных чуде́с обогати́лся еси́./ Отту́ду у́бо, блаже́нне, вся, притека́ющая к тебе́, назира́й, по́мощи твоя́,/ во е́же от вся́ких бед спасти́ правове́рныя.

Песнь 7

Ирмо́с: Образу злато́му, на по́ли Де́йре служи́му,/ три́е Твои́
о́троцы небрего́ша безбо́жнаго велéния,/ посреде́ же огни́
вве́ржени, ороша́еми, по́яху:/ благословéн еси́, Бо́же оте́ц
на́ших.

Безбо́жное мучи́теля законопресту́пнаго велéние, страстоте́рпче Иоа́нне, преоби́дев,/ богочестив́
Всемо́гущаго Царя́ во́ин показáлся еси́,/ благодáтне же ороша́емь, с людьми́ Бо́жиими пел еси́:/
благословéн еси́, Бо́же оте́ц на́ших.

Сла́дкое и вели́кое и ра́достное торже́ство ны́не лю́ди Господни облиста́,/ е́же му́чеников
дóблеший целому́дрый Иоа́нн вообрази́./ То́чит бо цельбы́ моля́щимся ве́рно Го́споду, и́же вызы-
ва́ют:/ благословéн еси́, Бо́же оте́ц на́ших.

Дерзнове́ние имéя ко Влады́це всех, свя́те Иоа́нне, я́ко бли́жний уго́дник Его́,/ во обстоя́нии на-
па́стей на́ших предста́тельствуй Ему́ о нас/ и помога́й изба́виться нам от грехо́в, да богому́дренно
поём:/ благословéн еси́, Бо́же оте́ц на́ших.

Дерзнове́ние имéя к своему́ Влады́це,/ о нас моли́тву сотвори́, Иоа́нне,/ и проше́ния на́ша исп-
полни,/ и грехо́в проше́ния испроси́ нам моли́твами твои́ми, вопию́щим:/ благословéн еси́, Бо́же
оте́ц на́ших.

Богоро́дичен: Пресла́вное соверши́ся та́инство в Тебе́, Богома́ти,/ безсе́менно бо зачала́ еси́ Сы́на
бре́мя грех на́ших упраздни́вшаго./ Те́мже, упова́ние на Тя иму́ще и Твою́ по́мощь зря́ще, усéрдно
вопиём:/ благослове́на еси́, Де́во Влады́чице.

Ин

Ирмос: Вся дела Твоя истинна/ и прави путие Твои,/ Бóже отец наших.

Безмездный врачу Иоанне,/ исцели молитвами твоими недуги и страсти душ и телес Господеви вопиющих:/ благословен еси, Бóже отец наших.

Дело всякия добродетели исправил еси/ и жертву тя Всетворцу возложил еси, вопия:/ благословен еси, Бóже отец наших.

Всеблагому Богу в чистоте молитвою и постом угождая, мучениче,/ даждь нам богоугодне звати:/ благословен еси, Бóже отец наших.

Богородичен: Всенепорочная Дéво, Путь и Истину, Христа, рождши,/ руководи нас в Горнюю жизнь, к Богу отец наших.

Песнь 8

Ирмос: Пещь иногда огненная в Вавилоне действия разделяше,/ Бóжиим велением халдеи опаляющая,/ верная же орошающая, поющая:// благословите, вся дела Господня, Господа.

Вышних ищай, на земли прелести возненавидел еси, Богоблаженне./ Тémже, с мученики Христовыми в любви духовней соединився,/ дерзновенно Богочеловека Иисуса проповедал еси, о Немже зовещи:/ благословите, вся дела Господня, Господа.

Неоскудно требования подавая,/ нищим был еси готовый питатель, воине благочестивомудренне Иоанне./ И ныне, притекающая к тебе назирая, исполни тех прошения, да радостно зовем:/ благословите, вся дела Господня, Господа.

Всезритель Бог, усердие твое, Иоанне, и совершенную веру виде, прослави ты славою вечною./ Егóже моли в пользе ущедрити ны, богомудренно поющая:/ благословите, вся дела Господня, Господа.

Моления наша прими, ныне приносимая тебе, праведному страстотерпцу./ Тебе бо даде Господь чудесем дарование/ подаяти просящим верно прошения и превозносящим Христа во веки и поющим:/ благословите, вся дела Господня, Господа.

Богородичен: Марие Богоневесто, к Тебе прибегаем и Тебе, припадающе, молимся:/ виждь, Владычице, скорбь нашу и озлобление от враг наших/ и умири жизнь всех нас, Миротворца породивши Господа,/ Егóже благословим во веки.

Ин

Ирмос: Царя славы и Победителя смерти,/ Иисуса Назорея,/ Того превозносите во вся веки.

Царю Небесный, победу на силу вражью святому Твоему мученику даровавший,/ даруй и нам во избавление от нужд славити Тя во вся веки.

Царя Господа радостно, блаженне, в Вышних узрел еси,/ молися, да мы чистым сердцем Егó превозносим во вся веки.

Царюяй во Христе воине,/ вся варвары победи и злокозненные разоры на нас советы,/ да превозносим Господа во вся веки.

Царю царствующим и Господу господствующим воин изряден показася/ и с праведными венцем венчася нетленным от руки Вседержителя Господа.

Богородичен: Царице Всемощная,/ Царя и Бога матерски моли,/ да вездé Егó превозносим и Тя, Госпожу, поём во вся веки.

Песнь 9

Ирмос: Безначальна Родителя Сын, Бóg и Господь, / воплощся от Девы, нам явися, / омраченная просветити, собрати расточенная. // Тем Всепетую Богородицу величаем.

Добр явился еси посóбник, преславне, людем Бóжим, гонимыя сокрывая, / и ныне чудесне помоществуеши верным, / сего ради в памяти благодейний твоих Христа Бóга величаем.

Твоя чудеса, преблаженне Иоанне, во всем мире проповедаются; / темже и днесь, собравшися, славу возсылаем Христу, тебе прославльшему.

Нас, восхваляющих тя, мучениче Христов, / и твоей помощи просящих, днесь услыши, / и к полезным управлять не престаи, / молитвенник теплейший и ходатай к Бóгу нашему являясь.

Израден врач сердец человеческих чудодейнии явился еси, Иоанне, / помоществуя всем богочестивым; / тем, воспевающе тя, Христа величаем.

Богородичен: Пети, Дево, Ты не престаем, / Помощницу, покров, скорое заступление и Предстательницу нашу непостыдную; / соблюди Твоя рабы от всякаго озлобления / и от козней лукаваго свободяи присно.

Ин

Ирмос: Служитель безплотный предста, глаголя Благодарней: / Господь с Тобою! / Юже величаем.

Господи сил, буди с нами, / укрепляя иерархи, иереи же и вся люди Твоя, молитвами святого спасаая, / да благочестно Ты и Богородицу непрестанно вси величаем.

Молися, святе Иоанн, Бóгу в Троице, / да удостоит верующия во Имя Его / богомудренно, яко Всетворца, присно величати.

Твою память совершающая, Господень угодниче, / представ, от печалей свободи и напои радости, / во еже с Богоматерию Господа величати.

Аще и на земли воинство оставив, но Небесному Царю воин наречеса Христов, / лукавых находы вспять возвращая и верным прося грехов прощения. / Темже, Иоанне блаженне, ты воспевающе, Христа величаем.

Богородичен: Облагодатствованная Марие, / призри на вся люди Твоя милостию, / да Ты безконечно в радости величаем.

Светилен.

Подобен: Со ученики:

Венчеще святе, предстои со Ангелы Христову Престолу / и света отгуду исполняясь, страстотерпче, / мир миру молитвами твоими исходатайствуй / и нам спасение, благочестно память твою совершающим / и в скорбех притекающим к тебе, Иоанне всебогате.

Слава Отцу, и Сыну, и Святому Духу.

Подобен: Небо звездами:

Познанием себе самого познал еси Всетворяющую Вину, Бóга, / в Негоже и уверовал еси / и, Того исповедав, просвещаеши мир чудесы, Иоанне Богоблаженне.

И ныне, Богородичен: Во чреве Твоем Господь, погибающий мир от тления призвати восхотев, / якоже ведяше, вселися, Богородице. / Спасение убо вси обретше, вопием Тебе: / радуйся, Всепетая Дево, породивши радость всей вселенной, / обрадуй и нас, от врагов злодейства хранящи всегда.

НА ХВАЛИТЕХ СТИХИРЫ НА 4, ГЛАС 6.

Подобен: Всю отложивше:

Напева Седмиезерской Пустыни

Излож. Г.Смирнова.

① Хвалите Его на силах Его,

Т.1
Т.2

хва-ли-те Е-го по мно-жест-ву ве-ли-чест-ви-я Е-го.

Бар.
Б.

Стра-да - ни - я видев добропо - бед-ных му - че-ни-ков,

дерз-новения Божественного ис-пол - нив-ся, не у-бо-ял -

ся еси мучителя, зло - чес - ти - ва - го - ца - ря, но, со у -

сер-ди-ем к ним при-шед, на под - виг у-креп-

лял е - си их. С ни - ми - же молися Господу, страдальче И - о -



ан - не, спас - ти - ся ду - шам на - шим.

② Хвалите Его во гласе трубнем,



хва - ли-те Е-го во псал-ти - ри и гус - лех.



Плоть с кро-ви-ю па - да-ю-щу ви-дя мно - гих свя-тых,



от без-за-кон - на - го царя Иулиа - на страж - ду-щих



за Хри - ста, Бо - га на - ше - го,



сим, бла-жен-не, во узах и злостраданиях по-мо-гал е - си,

бла - го - ю бе - се - до - ю у - те - ша - я, да на - деж - ды

бла - ги - я не от - па - да - ют, но да о - жи -

да - ют бу - ду - ща - го воз - да - я - ни - я

и вен - цев Не - бес - ных ра - до - ва - ни - я.

③ Хвалите Его в тимпане и лице,

хва - ли - те Е - го во стру - нах и ор - га - не.

Тер - пе - ни - ем тво - им, И - о - ан - не все - хваль - не,

мзду стя-жал е - си, ду-шу тво-ю всех Вла-ды-це в ру - це

пре-дав, и от Не-го да-ровании чудес обо-га -

тил - ся е - си. Мо - ли у - бо Хри - ста Бо - га

о чтущих любовью свя - ту - ю па - мять тво - ю.

④ Хвалите Его в кимвалех доброгласных, хвалите Его в кимвалех восклицания.

Вся-ко-е ды-ха-ни-е да хва - лит Гос - по - да.

Зре - ти тя спо-до - би-ся же-на бла-го-чес-ти - ва-я,

ей - же ты, стра - даль - че, я - вив - ся,

по-велел еси честныя твоя мо-щи про-сла - ви-ти,

та - я же с ра-дос-ти - ю си - я при-ем - ши,

с мир - ны-ми бла-го-у-ха - ни-и цер-кви пред-ло -

жи. Мо-ли - ся, стра-даль-че, Хри-сту Бо -

гу, и певцем твоим подати ве - ли - ю ми - лость.

НА ХВАЛИТЕХ СТИХИРЫ НА 4, ГЛАС 6.

Подобен: Всю отложивше:

Страдания видево добропобедных мучеников, / дерзновения Божественнаго исполнися, / не убоялся еси мучителя, злочестиваго царя, / но, со усердием к ним пришед, / на подвиг укреплял еси их. / С нимиже молися Господу, страдальче Иоанне, // спасиися душам нашим.

Плоть с кровию падающею / видя многих святых, / от беззаконнаго царя Иулиана страждущих / за Христа, Бога нашего, / сим, блаженне, во узах и злостраданиях помогал еси, / благою беседою утешая, / да надежды благия не отпадают, / но да ожидают будущего воздаяния / и венцев Небесных радования.

Терпением твоим, Иоанне всехвальне, / мзду стяжал еси, / душу твою всех Владыце в руке предав, / и от Него даровании чудес обогатился еси. / Моли убо Христа Бога / о чтущих любовь святую память твою.

Зрети ты сподобися / жена благочестивая, / ейже ты, страдальче, явился, / повелел еси честныя твоя мочи прославити, / тая же с радостью сия приемши, / с мирными благоуханиями церкви предложи. / Молися, страдальче, Христу Богу, / и певцем твоим подати велию милость.

Слава, глас 5. Подобен: Вострубим:

Стецемся верою, и любовь возопиим празднственная, / и ликуим, радуящиеся, / в настоящее торжество Христова воина, Иоанна прехвальнаго; / православнии людие да стекутся / и лица архиерейстии да воспоят песнями / страдальческое празднество, воинства ангельская да веселятся зряще. / Того бо вемя в бедах предстателя / и унывающим истинное радование, / нищих обогатителя, и во всех находящих лютых утешителя, / и вся везде тепле предваряюща. / Емуже ныне сице рцем: / воине Христов Иоанне, // спаси верою притекающая ко священному храму твоему молитвами твоими.

И ны́не, Богоро́дичен, глас то́йже:

Вострубим трубою пёсней:/ прекло́ньши бо ся свыше, Всеца-
рица Мати Дёва/ благословёнии венчает воспева́ющия Ю./
Лю́дие да стекутся и Царице да восплещут в песнях, Царя
ро́ждшей,/ Иже смертию первее держимыя разрешити чело-
веколю́бно благоволи́./ Па́стырие и учителяе, Доброга Пас-
тыря Пречистую Матерь, сошедшеса, восхва́лим:/ свёщник
златозарный, светоносный о́блак,/ небёс пространнейшую,
одушевлённый киво́т,/ огнезра́чный Влады́чень престо́л,/
манноприёмную златую стамну, затворенную Сло́ва двёрь,/
всех христиан прибёжище,/ пёснями благоглаголивыми по-
хваляюще, си́це рцём:/ Пала́то Слова, сподоби смиренныя ны
Небеснаго Ца́рствия, // ничтоже бо невозможно ходатайству
Твоему́.

Славосло́вие вели́кое. И отпу́ст.

НА ЛИТУРГИИ

**Блаже́нны от канона 1-го песьнь 3-я, на 4 и 2-го канона песьнь
6-я, на 4.**

Тропа́рь, глас 4:

Всеблагаго Бо́га и Царя́/ благове́рный раб и воин явился еси,
Иоанне чудодётелю:/ пострадав бо ради веры му́жески,/
блаже́нно же скончав течёние,/ зри́ши Всетворца Господа в
Небесех светле́йше./ От Него́же прием дарова́ние чудёс,/
стра́ждущим человеком во всяких напастех помога́еши:/ ук-
репля́еши воины в ра́тех:/ от врагов пленения, ран же и вне-
за́пных смертёй/ и от бед лютых изыма́еши./ Те́мже моли
Владыку Христа, приснопа́мятне,/ да во вся́ком обстоянии
сотворит нам ми́лость,/ и не введет нас во искуше́ния,/ но
спасёт души на́ша, // я́ко Человеколю́бец.

26

ин тропарь мученика, глас 8:

Блажёнство Евáнгельское, Богомудре Иоáнне,/ чистоту́ сёрдца девством почтíл еси́./ Тёмже суету́ ми́ра сегó пренебрéг,/ устремíлся еси зрети Бóга,/ Иже ты прослави чудесы во врачевании различне стра́ждущих,/ сегó ráди мо́лим ты, про-сí нам у Христа Господа всяких скорбей избавлénия// и полу-чénия Цáрства Небéснаго.

Кондак, глас 6:

Благочестиваго воина Христóва,/ победившаго враги душев-ныя и телесныя Богомúдренно,/ Иоанна мученика досто-должно песньми восхва́лим:/ чудодействуя бо подает обиль-ная исцеления страждущим лю́дем,/ и молится Господу Бóгу// от всяких бед спасти́ правове́рныя.

Ин конда́к, глас 3:

Вели́кая ско́рбным лю́дем ráдость в беда́х обрета́ешия,/ чу-дотво́рче Иоáнне,/ всякия бо стра́сти моля́щим ты врачу́еши,/ исполня́я их проше́ния./ Тёмже и ны́не моли́ Го́спода,// да спасёт ны в мíлости Своёй.

Прокíмен, глас 7: Возвеселíтся пра́ведник о Го́споде/ и упо-ва́ет на Него́. **Стих:** Услы́ши, Бóже, глас мой, внегда́ моли́ти ми ся к Тебе́.

Прича́стен: В па́мять вéчную бу́дет пра́ведник: